

**Erindi til borgarráðs Reykjavíkurborgar um fjölgun nemenda í Söngskóla  
Sigurðar Demetz veturinn 2017-2018 og aukningu framlags  
Reykjavíkurborgar til skólans vegna þess**

Reykjavík 25.10.2017

Stjórnendur Söngskóla Sigurðar Demetz ses. óska eftir því að borgarráð taki afstöðu til beiðni um aukningu kennslumagns sem greitt er fyrir að hálfu Reykjavíkurborgar fyrir nemendur á grunnstigi í söngnámi skólaárið 2017-2018.

Núverandi þjónustusamningur við Reykjavíkurborg gerði ráð fyrir kr. 20.967.135 kr. framlagi og skal skólinn kenna 1603 nemendastundir á ári fyrir það framlag. Ósk okkar er sú að kennslumagn aukist um 25% og verði 2004 nemendastundir. Framlag í krónum aukist í samræmi við það.


Viðbótarframlag næmi 5.241.784 kr. og heildarframlag yrði þannig 26.208.919 kr. Framlagið tæki þeim breytingum í framhaldi sem framlög borgarinnar vegna tónlistarkennslu á yngri stigum almennt taka.

Ástæður erindis okkar eru eftirfarandi:

- a) Söngleikjadeild Söngskóla Sigurðar Demetz hefur stækkað ört. Nú eru nemendur deildarinnar 25 og hefur ásókn verið mikil. Við höfum hafnað mörgum nemendum sem sótt hafa um í deildina. Einnig höfum við sett nemendur á biðlista í sumar í einsöngsdeild. Deildin er mikilvæg sprotastarfsemi sem ekki er til staðar í öðrum tónlistarskólum.
- b) Um 13 efnilegum nemendum var hafnað í vor og haust vegna skorts á kennslumagni við skólann. Vissulega er það lúxusvandi að geta ekki tekið öllum efnilegum nemendum og þýðir auðvitað að við getum oft valið nemendur úr umsækjendum til náms hjá okkur. Helst viljum við þó leyfa sem flestum að þroska hæfileika sína, ekki síst ef um er að ræða einstaklinga sem ekki hafa notið þeirra gæða að stunda tónlistarnám áður. Það gildir um marga þá sem sækja um sitt fyrsta tónlistarnám sem söngnám seint á unglingsárum. Hafa ber í huga að margir hljóðfæranemendurnir eru þá búnir að njóta stuðnings í námi í áratug. Söngnemendur hins vegar taka stigsprófin hratt og dæmi eru um að nemendur komi þannig undirbúnir úr kórum og öðru söngstarfi að þeir geti lokið grunnstigi á einu ári ásamt tónfræðigrunnprófi (hjá okkur er einnig í boði tónfræðinám á netinu sem hægt er að taka á hraðferð). Þannig færast þeir mjög hratt yfir til ríkis sem greiðir kennslukostnað söngnemenda á miðstigi og framhaldsstigi. Söngnemendur eru þannig sennilega ódýrustu nemendur borgarinnar þegar á heildina er litið, en líka mögulega mjög mikilvægir þar sem þeir eru burðarásinn í sönglífi borgarinnar og borgaranna. Nýjustu rannsóknir um áhrif söngs og samsöngs ættu að vekja hjá mönnum vilja til að styðja enn frekar við nám þeirra sem vilja auka þekkingu sína og fagmennsku á þessu sviði. Öll vitum við að það skilar sér sem ómetanleg samfélagsgæði.

- c) Síðasta vor útskrifaðist óvenjustór hópur nemenda úr Söngskóla Sigurðar Demetz. Hluti þessara nemenda fóru í áframhaldandi háskólanám á Íslandi eða erlendis. Á síðustu árum höfum við einnig orðið var við að leiklistaráhersla skólans hefur reynst gagnlegur undirbúningur fyrir fleiri tegundir listnáms eins og leiklistarnáms. Svo bar við að nemendavelta var óvenju mikil í vor og haust. Af þeirri ástæðu hefur nemendum í efri stigum fækkað lítillega og hætta á því að of fáir nemendur í grunnstigi gæti orsakað fækkun nemenda á efri stigunum. Það er mikilvægt að grunnurinn í skólanum sé sterkur og til þess þarf að hafa ákveðið svigrúm í nemendafjölda milli ára. Aðeins þannig getur skólinn tryggt að fjöldi útskriftarnema sem halda háskólanáms í söng og ekki síður veitt efnilegum nemendum með leikhæfileika góðan undirbúning fyrir leiklistarnám. Í raun er markmiðið að styrkja á næstu árum leiklistarnámið í skólanum til að þjóna þeim hluta enn betur.
- d) Lausleg athugun á dreifingu nemenda í skólanum leiðir í ljós að nemendur ber að úr öllum hverfum Reykjavíkurborgar. Söngnemar geta með auðveldum hætti aldurs vegna ferðast milli hverfa borgarinnar vegna aldursdreifingarinnar og því hindrar búsetustaður ekki þá nemendur að stunda tónlistarnám hjá okkur.
- e) Samstarf okkar við Fjölbautaskólann við Ármúla sem hófst í haust miðar að því að ná til nemenda á aldri þar sem þeir gjarnan uppgötva sönghæfileika sína, frá 16 ára aldri. Þegar hafa nokkrir nemendur nýtt sér samstarfið og allt útlit fyrir að fyrir að samstarfið fjölgi umsóknum yngri nemenda.
- f) Reykjavíkurborg hefur sett inn ákvæði í reglur um þjónustusamninga þar sem óskað er eftir að nemendafjöldi sé um 150 til að stærð skóla sé hentug rekstrareining. Við erum sammála því að sú rekstrareining er hentug stærð og viljum við því gjarnan stefna að fjölgun nemenda á næstu tveimur árum. Möguleikar til samrekstrar með öðrum tónlistarskóla eru takmarkaðir. Starfsfólk okkar er sérhæft og hröð þróun skólans undanfarin misseri og fjölgun tækifæra til söngnáms á mismunandi sviðum sönglistarinnar myndu vera í hættu. Miklu frekar er okkur í hug að þróa sterka og fjölbreytta söngakademíu þar sem fólk getur stundað fjölbreytt söngnám frá grunni.
- g) Söngskóli Sigurðar Demetz hefur í haust stofnað nýja deild, áhugamannasöngdeildina „Sturtan“. Þar geta nemendur kynnst söngnáminu á 8 vikna námskeiði hafi þeir áhuga á að auka færni sína í söng án þess að leggja út í fullt söngnám. Þannig viljum við veita tækifæri til að fleiri geti stundað söngnám án þess að af hljótist kostnaður fyrir skattgreiðendur í Reykjavík vilji þessir nemendur t.d. auka hæfni sína til þátttöku í kórsöng.

Virðingafyllst



Gunnar Guðbjörnsson

skólastjóri Söngskóla Sigurðar Demetz

[gunnar@songskoli.is](mailto:gunnar@songskoli.is)

s. 6634239



Reykjavíkurborg  
Skóla- og frístundasvið

Reykjavík, 16. jan.2018  
SFS2017110168  
9.1.1  
HG/sb/ag

Ráðhús Reykjavíkur  
skrifstofa borgarstjórnar  
Ráðhúsið  
101 REYKJAVÍK

Málsnr: R17100459  
Skjalasafn Ráðhúss  
16. jan. 2018  
Bréfalykil: 483

**Efni: Fjölgun nemenda og aukning framlags Reykjavíkurborgar - Umsögn - R17100459**

Umsögn SFS vegna erindis Söngskóla Sigurðar Demetz til borgarráðs Reykjavíkurborgar um fjölgun nemenda á neðri stigum og hækkun framlags Reykjavíkurborgar vegna þess. Sótt er um 5,2 mkr. hækkun á ársgrundvelli til kennslu á yngri stigum og tæki upphæðin breytingum í samræmi við framlögin almennt.

Rök í erindi frá skólastjóra Söngskóla Sigurðar Demetz eru þau m.a.:

- Nemendur hafa flestir ekki fengið tækifæri til tónlistarnáms áður en þeir hefja söngnám.
- Nemendur koma víða að úr borginni og skólinn er vel staðsettur hvað varðar samgöngur.
- Skólinn er að aðlagast nýju kerfi með Menntaskóla í tónlist sem hluti tilboða til nemenda
- Hröð þróun og fjölbreytt tilboð á vegum skólans.
- Mikill áhugi og biðlistar á námi við skólann.
- Skólinn sýnir frumkvæði og býður upp á söngkennslu í námskeiðaformi í áhugamannadeild til að svara eftirspurn og er kennsla þar ekki greidd af framlagi borgarinnar.

Söngskóli Sigurðar Demetz er mikilvægt afl í söngnámi hér á landi. Um er að ræða vandað, fjölbreytt nám þar sem nokkrir af okkar mest áberandi atvinnusöngvurum kenna. Nemendur hafa margir farið erlendis í framhaldsnám og sýningar skólans, á bæði sviði klassískis söngs og söngleikja, hafa verið sérlega metnaðarfullar og vandaðar.

Þrátt fyrir ofangreint þykir ekki rétt að mæla með því að stíga þetta skref gagnvart einum skóla í ljósi stöðu skólanna í borginni. Fleiri skólar hafa list yfir knýjandi þörf fyrir meira kennslumagn þó ekki liggi fyrir formlegar beiðnir þar að lútandi. Þörf er á stefnumörkun til framtíðar hvað varðar kennslumagn í tónlist í borginni og dreifingu þess.

Virðingarfyllt

Helgi Grímsson

sviðsstjóri skóla- og frístundasviðs